

明代傳記叢刊・綜錄類③
周駿富輯

史

外
(一)

八卷

(清)汪有典著

明文書局印行

Wt77/05

原序

訂頑搜輯有明三百年抗節死義諸賢論次其生平而爲之傳
凡若干首屬序於予予受讀卒業曰甚矣有明之不幸也夫以
死節之多寡定一代之盛衰此非通論幾見唐虞三代而龍逢
比干接跡乎國家不能使其臣爲祥麟威鳳而獬豸鷹鷂日擊
觸於庭陛如是而不淪胥以敗者無是事也有明享國三百年
剝喪士氣之最慘毒者凡三燕藩也魏璫也闖寇也他不與是
當是時士有稍知節概靡不以生爲可厭而死爲可樂視穴胸
斷脰如飢食渴飲之當然此吾訂頑所以輦蹙太息而列傳之

所爲作也觀其激昂踴躍如沙場秋肅劍槊磨而戈鋌寧也其
冤沈恨塞如陰房鬼火氣悽愴而聲嚶嚶也口裏筆卹追狀於
數十百年之前其人之軀幹短長鬚眉蠕動靡不躍躍紙上而
呼之欲出吁訂頑以奈何不能自己之胸寫奈何不能自己之
事故以訂頑是編爲得意之書非知言者也子長列傳七十如
伯夷傳之參以議論者蓋不多見今訂頑是編嘻吁慨嘆反覆
咨嗟者爲多有不屑規規於傳記者意此訂頑之微意也歟同
學弟王夢鯨拜撰

序

濡須新安間有兩汪子焉濡須之汪子則名有典字起謨者也攝濡牧者馮君君子也爲予道起謨之爲人貧而能樂嘗步訪之見其籬舍蕭然頽屋中隱几著書不一問薪米客至與談談無倦或饋之酒盡醉然卽不飲而興亦陶陶然人但見其瓶之罄踵之決而未嘗見其顏之戚也余聞而異之時未及一見已馮君手其所著以示余讀之則詳求有明一代之忠義核其事蹟而加之論贊感慨嘻吁一唱而三嘆如讀歐陽學史記之爲文則又洒然異之旣而守新安者入都余代庖焉至彼而汪子

槎菴披一帙所言鄉約也以爲老生常譚耳置之嗣槎菴來索其書自謂如芻豢之至味不食者不知乃復取讀驚而與之通於是槎菴乃出其分年學字及禮朔二編以進蓋皆有用之書也嗟乎世人之不知學也久矣蓋自卅角至壯至老父師斤斤而命之子弟娓娓而習之無非所以干祿者蓋有數十年而不效抑或數百千人而不一效則未有不患其術之不工而益求工焉苟工矣效矣則又欲以其術施之於所治之人聚生徒而旣廩以課之於是共詡詡然詫其邑爲多能文之士而其長吏亦因而獲作人之名噫抑何其陋而不知所愧也而如兩汪子

者可謂知所學也已矣而獨惜其年皆老雖能言之而不能及
其身以行之也然苟得而傳之於後焉讀而感感而興起則小
子有造成人有德其於兩汪子所著之苦心亦可以快然而無
所負也乎然余故貧吏力有所不逮起謨館於季季氏之昆季
將梓而傳之而起謨之心知莫不爭先俛助共襄厥成焉是何
濡人賢者之多也吾知槎菴之書亦必有聞而興起樂爲版行
者矣乾隆十三年歲次戊辰重九前六日天津王又樸序

52

三

125-008

序

大江之濱有修士焉曰汪訂頑爲諸生數十年蕭然陋巷足跡不入市廛好讀書每有會意便忻然忘食暇則怡情詩酒放浪形骸之外中有坎坷門祚衰薄則益僵臥不出息交絕遊客至長揖而已人或目之爲狂爲傲余初不識也然心儀其人必獨行之士解組後僑寓邸舍徃拜其門見其舉止渾樸自是讀書人本色與之遊乃出所著史外相示且曰生平志在忠義每讀史見古人之卓然持大節者輒三致意焉惟是宋元以前代有成書其軼見於他說又多言人人殊世遠年湮是非莫由考據

惟明代去今未遠赫赫若前日事迨其末季逆閹流焰大命垂
傾於時烈士貞女奇節累累皆正史不及載者憶童時父老輩
猶能言之慮其終與溝瀆之諒同湮沒無稱故旁搜博採參互
考訂綜覈一代忠義彙成一書余觀其書大抵叙次明潔議論
發皇而要有一種激昂慷慨之意貫乎其間此則作者之至性
流於不自知者夫忠義至性耳以至性之人傳至性之蹟固宜
其言之深切而著明矣宣幽起滯激濁揚清功豈獨在一世哉
微言大義尋墜緒之茫茫涑水紫陽之遺也青州馮愿撰

序

春秋之外無信史孟子曰盡信書則不如無書蓋史失則誣自古已然後世避忌紛更史官之筆益多掛漏惟夫汲古之士閉戶窮經胸中了無成見徃徃搜羅軼事發微闡幽其所表見實有以正前史之訛而補其闕此汪子訂頑史外之所爲作也其平日篤志潛修詞章之學雅所不屑獨於徃哲之芳躅足以垂世教明大義者必綜覈其本末而表章之嘗見有明一代忠義士多於前古正史所載綦詳然其間子衿處士鄉社布衣以及深山之野人幽閨之碩女從容而就義者不可勝數史多闕焉

乃嘆曰知人論世儒生之責也抱殘守缺學者之羞也且前代
迄今百有餘歲相去未遠不以此時考訂而傳述之將終聽其
泯泯乎於是廣稽博採有美必揚無微不著積數十寒暑而成
一書仿太史公列傳體凡如千卷雖窮巷幽人亦必詳明剖析
爲立一傳令觀者忠義之氣勃然而興大半皆正史所未及其
筆意簡潔明淨離奇斷續而又丰神宕逸慷慨淋漓殆善學龍
門而入廬陵之室者歟余受而讀之知其意不在文章也金沙

王斌拜撰

重刻史外小引

曩從鄉先輩得此本手鈔成帙暨走四方見者輒轉相借鈔民之秉彝好是懿德豈獨以其文哉己未春從戎撫州於殘帙中得舊刻本去年夏泰和王君鶴書重加讎校廬陵諸生劉君芳桂刻而出之皆可誌也甲子人日蜀南曾省三識於抱素齋

1/3

2

凡例

先生之學貫串經史而所得力者尤在子長孟堅蓋自壯歲嗜學所爲詩古文詞甚夥晚年益肆力於古意度雄遠波瀾壯濶其議論成敗得失瞭如指掌尤爲不愧前人是編殫十餘年之辛勤考核精詳閱博曉暢足以廉頑立懦振衰起靡於世道人心不無裨益讀者宜究心焉

先生於有明事詳加輯訂年三十時曾著有明人事類纂一書分門別類部帙煩繁無力授梓茲編專取節烈非故爲掛漏緣各有體裁不容遍贅也

是編託始之時正史未頒書肆所傳布者類如裨官野史蕪穢不足觀閒有出自名手者或是非失實毀譽無稽如程翰林濟世儒竟謂無其人先生細爲搜訂不使奸諛謬蒙美名忠義橫遭污蔑蓋實具有深心大力焉迨正史頒於學宮先生乃攜是編就尊經閣下重加校對並無舛訛益自喜曰是可出而問世矣

忠節之士盛世所褒

本朝崇獎節義隆恩亘古未有所以

教孝作忠之意至深且厚如福唐桂三王之臣守節不屈死皆特加旌美先生初爲史可法瞿式耜諸傳頗用自疑及讀正史